

საქართველოს უზენაესი სასამართლოს მოსამართლის თანამდებობაზე ასარჩევად  
 საქართველოს პარლამენტისათვის წარსადგენი სამოსამართლო გამოცდილების არმქონე  
 მოსამართლეობის კანდიდატის შეფასების ფორმა

მოსამართლეობის კანდიდატის თამარ ალფაიძის შეფასების შედეგი:

მოსამართლეობის კანდიდატის შეფასება კეთილსინდისიერების კრიტერიუმის მიხედვით		
მოსამართლეობის კანდიდატი არ აკმაყოფილებს კეთილსინდისიერების კრიტერიუმს	<input type="checkbox"/>	
მოსამართლეობის კანდიდატი აკმაყოფილებს კეთილსინდისიერების კრიტერიუმს	<input type="checkbox"/>	
მოსამართლეობის კანდიდატი სრულად აკმაყოფილებს კეთილსინდისიერების კრიტერიუმს	<input checked="" type="checkbox"/>	
მოსამართლეობის კანდიდატის შეფასება კომპეტენტურობის კრიტერიუმის მიხედვით		
კრიტერიუმი	მიღებული ქულა	მაქსიმალური ქულა
სამართლის ნორმების ცოდნა	18	25
სამართლებრივი დასაბუთების უნარი და კომპეტენცია	18	25
წერისა და ზეპირი კომუნიკაციის უნარი	17	20
პროფესიული თვისებები	13	15
აკადემიური მიღწევები და პროფესიული წვრთნა	7	10
პროფესიული აქტივობა	4	5
ქულათა ჯამი	77	100

სახელი, გვარი: ირმა გელაშვილი

თარიღი :

*ი. თეძეი*

*28.05.2021*



საქართველოს იუსტიციის უმაღლესი საბჭოს 2020 წლის 7 ოქტომბრის N1/134 გადაწყვეტილებით გამოცხადებულ საქართველოს უზენაესი სასამართლოს მოსამართლეობის კანდიდატთა შესარჩევ კონკურსში მონაწილე კანდიდატის

**თამარ ალფაიძის**

**შეფასება/დასაბუთება**

კანდიდატის შეფასებისას ვიხელმძღვანელებ „საერთო სასამართლოების შესახებ“ საქართველოს ორგანული კანონის 34<sup>1</sup> მუხლის მე-11 პუნქტით დადგენილი წესით, გავითვალისწინე იუსტიციის უმაღლესი საბჭოს მიერ მოპოვებული ინფორმაცია და კანდიდატის საჯარო მოსმენის პროცესში გამოვლენილი გარემოებები.

**კანდიდატის შეფასება კეთილსინდისიერების კრიტერიუმით:**

ა). **პიროვნული კეთილსინდისიერება და პროფესიული სინდისი** - მითითებული მახასიათებლების შემოწმებისას გათვალისწინებულია კანდიდატის, როგორც მოქალაქის პატიოსნება, კეთილსინდისიერება, მოვალეობებისა და პასუხისმგებლობის შესაბამისი შეგნება, გამჭვირვალობა, კორექტულობა და სხვ. რეკომენდატორები თამარ ალფაიძის პიროვნულ კეთილსინდისიერებასა და პროფესიულ სინდისს უმაღლეს შეფასებას უწერენ. ერთ-ერთი რეკომენდატორი აღნიშნავს, რომ კანდიდატის პიროვნული კეთილსინდისიერება ცნობილია ყველასთვის, ვისაც ჰქონია მასთან შეხება. ამასთან, რეკომენდატორი მიუთითებს, რომ კანდიდატი პასუხისმგებლობით ეკიდება საკუთარ პროფესიულ ქცევას.

თამარ ალფაიძეს აქვს დადებითი საკრედიტო ისტორია, სახელმწიფო ბიუჯეტის მიმართ დავალიანება არ ერიცხება, დროულად აქვს გადახდილი საგზაო მოძრაობის წესების დარღვევისთვის დაკისრებული ჯარიმები.

ბ). **დამოუკიდებლობა, მიუკერძოებლობა და სამართლიანობა** - კანდიდატთან საქმიან ურთიერთობაში მყოფი პირების შეფასებით, თამარ ალფაიძე დამოუკიდებელი, მიუკერძოებელი და სამართლიანი პიროვნებაა. ერთ-ერთი რეკომენდატორი აღნიშნავს, რომ მას რთულად წარმოუდგენია თამარ ალფაიძეზე ზეწოლის განხორციელება. იგი ყოველთვის მკაცრად იცავს ამა თუ იმ საკითხზე მისეულ პოზიციას და იოლად არ ექცევა სხვადასხვა გავლენის ქვეშ.

თამარ ალფაიძე არასდროს ყოფილა პოლიტიკური პარტიის წევრი/მხარდამჭერი ან შემომწირველი, 2019 წელს იგი იყო მთაწმინდის მაჟორიტარულ ოლქში დეპუტატობის დამოუკიდებელი კანდიდატი.



გ). პიროვნული და პროფესიული ქცევა - კანდიდატთან საქმიან ურთიერთობაში მყოფი პირების შეფასებით, თამარ ალფაიძის პიროვნული და პროფესიული ქცევა შეესაბამება ქცევის მაღალ სტანდარტს. ერთ-ერთი რეკომენდატორი აღნიშნავს, რომ კანდიდატი გამოირჩევა აუღელვებლობით, აკადემიური ქცევით. კანდიდატის გაწონასწორებული და მშვიდი ხასიათი ცნობილია ყველასთვის. რეკომენდატორი მიუთითებს კანდიდატის პიროვნულ ქცევაზე, რომელიც თავის მხრივ, განაპირობებს მის პროფესიულ ქცევას, რომელიც არასდროს სცდება აკადემიური სტანდარტის მახასიათებლებს.

თამარ ალფაიძის მიმართ სისხლისსამართლებრივი დევნა არ დაწყებულა.

დ). პიროვნული და პროფესიული რეპუტაცია - კანდიდატთან საქმიან ურთიერთობაში მყოფი პირები თამარ ალფაიძეს ახასიათებენ მაღალი პიროვნული და პროფესიული რეპუტაციის მქონე პიროვნებად, რომელიც სარგებლობს პატივისცემით კოლეგებს შორის.

ე). ფინანსური ვალდებულება - კანდიდატს აქვს დადებითი საკრედიტო ისტორია, სახელმწიფო ბიუჯეტის მიმართ არ ერიცხება დავალიანება, დროულად აქვს გადახდილი საგზაო მოძრაობის წესების დარღვევისთვის დაკისრებული ჯარიმები.

თამარ ალფაიძე ჯეროვნად და კეთილსინდისიერად ასრულებს ფინანსურ ვალდებულებებს. მოძიებული ინფორმაციის თანახმად, არ არსებობს შეუსაბამო მის შემოსავალს, ფინანსურ ვალდებულებებსა და მის საკუთრებაში არსებულ ქონებას შორის.

კანდიდატის საჯარო მოსმენის პროცესსა და მასზე მოპოვებულ მასალებში არ გამოვლენილა იმგვარი გარემოებები, რომელიც კეთილსინდისიერების კრიტერიუმით კანდიდატის უარყოფითად შეფასების საფუძველი იქნებოდა, ამდენად, გარემოებების მიხედვით მივიჩნევ, რომ კანდიდატი სრულად აკმაყოფილებს კეთილსინდისიერების კრიტერიუმს.

**კანდიდატის შეფასება კომპეტენტურობის კრიტერიუმით:**

**სამართლის ნორმების ცოდნა:** თამარ ალფაიძემ საჯარო მოსმენისას ისაუბრა სამართლებრივი სახელმწიფოს პრინციპზე, სამართლის ნორმის განმარტების ხერხებზე, მედია სამართლის საკითხებზე. მიუხედავად ამისა, გამოვლინდა ნაკლოვანებები: კანონმდებლის კვალიფიციურ დუმილთან, სამეწარმეო სამართალში



მოქმედ გამჭოლ პასუხისმგებლობასთან, ღირსების დაცვასთან დაკავშირებულ კითხვებზე პასუხები არ იყო დამაკმაყოფილებელი.

აღსანიშნავია, რომ თამარ ალფაიძეს სამოსამართლო გამოცდილება არ გააჩნია. იგი ამჟამად მუშაობს საქართველოს ეროვნულ უნივერსიტეტში და იკავებს პროფესორის აკადემიურ თანამდებობას. ამასთან, ერთ-ერთი რეკომენდატორი აღნიშნავს, რომ თამარ ალფაიძე მაღალ დონეზე ფლობს სამართლის ნორმებს, ქართული სამართლებრივი აქტების სისტემას, ნორმათა განმარტების მეთოდებსა და ხერხებს, ასევე, სამართლებრივი სისტემებისთვის დამახასიათებელ თავისებურებებს. კანდიდატი ფლობს სამართლის ზოგად თუ დარგობრივ პრინციპებს, რაც მას აძლევს საშუალებას საკითხებს შეხედოს არა მხოლოდ პოზიტიური სამართლის, არამედ სამართლის ფუნდამენტური პრინციპების ჭრილში.

**სამართლებრივი დასაბუთების უნარი და კომპეტენცია:** კანდიდატის მიერ წარმოდგენილ სამართლებრივ დოკუმენტებში მსჯელობა დასაბუთებული, ლოგიკური და თანმიმდევრულია. ერთ-ერთი რეკომენდატორი აღნიშნავს, რომ კანდიდატის, როგორც იურისტის აზროვნება სამართლის პრინციპებზეა დაფუძნებული და მას აქვს უნარი მოახდინოს გადასაჭრელი საკითხის სწორად ანალიზი და შედეგად მიიღოს მართებული გადაწყვეტილება. კანდიდატის სამართლებრივი დასაბუთების უნარი ანალიტიკური და კრიტიკული აზროვნებითაცაა გამყარებული.

მიუხედავად იმისა, რომ ცალკეულ სამართლებრივ შეკითხვას კანდიდატმა უპასუხა, მისი მსჯელობა იყო ზოგადი ხასიათის, კანდიდატი ნათლად არ გამოხატავდა საკუთარ პოზიციას, არ იცნობს უზენაესი სასამართლოს პრაქტიკას.

**წერისა და ზეპირი კომუნიკაციის უნარი:** თამარ ალფაიძემ წარმოადგინა 3 სამეცნიერო პუბლიკაცია, კერძოდ ესენია: „ჰუმანური სამართალი, სამართლის ჰუმანური პრინციპები“, „ინტერნეტი და მისი სამართლებრივი რეგულირება“ და „მასმედია და სახელმწიფო ხელისუფლება“. კანდიდატის მიერ წარმოდგენილი ნაშრომის გაცნობის შედეგად შემიძლია დავასკვნა, რომ თამარ ალფაიძე აზრს გადმოსცემს ნათლად, გასაგებად და სტრუქტურულად. კანდიდატი ფლობს აკადემიური წერის უნარ-ჩვევებს. ერთ-ერთი რეკომენდატორი აღნიშნავს, რომ კანდიდატი სრულყოფილად ფლობს წერის უნარს, იგი გადმოსცემს არა მხოლოდ ინფორმაციას, არამედ კონკრეტული ფაქტების ლოგიკური ანალიზის შედეგად აყალიბებს მისეულ პოზიციას. კანდიდატის წერის უნარი დასტურდება მისი სამეცნიერო ნაშრომებით.



თამარ ალფაიძემ საჯარო მოსმენის პროცესზე გამოავლინა კომუნიკაციისა და გამართულად მეტყველების უნარი. კანდიდატს გააჩნია სხვისი აზრის დინჯად მოსმენის უნარი, განსხვავებული აზრის მოსმენისა შესაძლებლობა. კანდიდატი საუბრობს მშვიდად, გაწონასწორებულად, აზრს გადმოსცემს ნათლად და მკაფიოდ. ერთ-ერთი რეკომენდატორი აღნიშნავს, რომ კანდიდატს შეუძლია აუღელვებლად მოისმინოს სხვისი, მათ შორის განსხვავებული აზრიც და სამართლებრივად გამართულად დაასაბუთოს და გადმოსცეს საკუთარი პოზიცია. ამასთან, კანდიდატის პედაგოგიური მოღვაწეობა ვერ იქნებოდა წარმატებული, რომ არა კარგი ზეპირი კომუნიკაციის უნარი.

**პროფესიული თვისებები:** კანდიდატთან საქმიან ურთიერთობაში მყოფი პირები თამარ ალფაიძის პროფესიულ თვისებებს აფასებენ დადებითად. ერთ-ერთი რეკომენდატორი აღნიშნავს, რომ კანდიდატი არის შრომისმოყვარე პიროვნება, რომელსაც ახასიათებს გუნდურობა. იგი ასევე კარგად უმკლავდება სტრესულ სიტუაციებს, ხოლო მის წინაშე მდგარ ამოცანებს ასრულებს მაღალკვალიფიციურად და პასუხისმგებლობით.

**აკადემიური მიღწევები და პროფესიული წვრთნა:** კანდიდატს მონაწილეობა აქვს მიღებული სამართლებრივ საკითხებზე გამართულ არაერთ ღონისძიებაში, მათ შორისაა სასწავლო კურსი ადამიანის საერთაშორისო უფლებებში, ტრენინგი მედია რეგულაციის საკითხებზე და სხვ. კანდიდატს მონაწილეობა აქვს მიღებული მედია სამართლის საერთაშორისო კონფერენციაში.

**პროფესიული აქტივობა:** პროფესიული აქტივობის თაობაზე მოძიებული ინფორმაციის თანახმად, თამარ ალფაიძე ეწევა აქტიურ სამეცნიერო და პედაგოგიურ მოღვაწეობას. კერძოდ, კანდიდატი არის საქართველოს ეროვნული უნივერსიტეტის პროფესორი და კითხულობს ლექციებს შემდეგ დისციპლინებში: სამართალმცოდნეობის შესავალი, საკანონმდებლო ტექნიკა, მედია სამართალი და თვით რეგულირება, კონსტიტუციური სამართალი, ინფორმაციული უსაფრთხოება და კიბერ უსაფრთხოება.

თამარ ალფაიძე არის რამდენიმე სამეცნიერო სტატიისა და წიგნის ავტორი/თანაავტორი, მათ შორისაა „მედია სამართალი“, „შესავალი სამართალმცოდნეობაში“ და სხვ.

კანდიდატის შემაჯამებელი შეფასება:

1. თამარ ალფაიძე სრულად აკმაყოფილებს კეთილსინდისიერების კრიტერიუმს.

2. კომპეტენტურობის კრიტერიუმით კანდიდატს ვაფასებ 77 ქულით, კერძოდ:
  - 2.1. სამართლის ნორმების ცოდნა- 18 ქულა;
  - 2.2. სამართლებრივი დასაბუთების უნარი და კომპეტენცია - 18 ქულა;
  - 2.3. წერისა და ზეპირი კომუნიკაციის უნარი - 17 ქულა;
  - 2.4. პროფესიული თვისებები - 13 ქულა;
  - 2.5. აკადემიური მიღწევები და პროფესიული წვრთნა - 7 ქულა;
  - 2.6. პროფესიული აქტივობა - 4 ქულა.

ირმა გელაშვილი

ი. შიშკო

იუსტიციის უმაღლესი საბჭოს წევრი

თარიღი:

28.05.2021